

EPISTOLA NVNCVATORIA.

exarata calamo majoribus & eloquentioribus linquo. Referant, tuisque de coloribus suo penicillo depingant Doctores sapientiores, illustrioresque Viri illi, qui Te jam eruditissimum viginti abhinc annis, atque à virtute, ab integritate, & humanitate celeberrimum suis litteris commendarunt. Sic fecere Salmantini, & præclarissimi Doctores D.D. Joannes Fernandez de Henostrosa, & D.D. Doctor Ignatius de Olit & Vergara; immò ejam digniori, ac pretiosiori jam laude toto orbe celebrandus Eminentissimus S.R.E. Cardinalis D.D. JOSEPHUS SANZ AGUIRRE, in suis Ludis Salmanticensibus, *præstudio* 4. in cœtu Doctorum utriusque Juris, numero 109. Adhuc tuum non albet caput. Ergo tuæ juventutis initia ipsem temporum calculus, quām gloria fuerint, enarrat, buccinet, & evulget. Illa etiam *Extemporanea Commentationes tuae à Civili eruta Jure*, sapientissime de promptæ, & in alma Salmantina Academia relatæ, ibique excusæ anno Domini M. DC. L X VI. perpetuo jubilo quiritent, & æterno præconio celebrent. Nam senescere oportet virum, qui Magistratus amplissimos gesserit, Provincias rexerit, totumque se Reipublica, quādū decebat, obtulit. Senescas igitur, & perennes (non dicam ut Phœnix, hoc nimis jam vulgare est,) ut QUERCUS, Tu qui typica nuncuparis ILEX, de qua exagerate & hyperbolice dictum legimus: *Quercus infinitam habet eternitatem*. Vnde tempore Constantini adhuc visebatur celeberrima illa Abrahamic Quercus, quæ digna fuit umbram ad requiem ipsiusmet Angelis exhibere. Æternare igitur gloriæ coelestis candidate. Et ut finiam, utar litteratissimi Senatoris verbis: *Quo justus peto, primum ut erroris tribuas veniam: deinde medearis Scientiâ tuâ, cui semper fuit cura sic jura publica, ut privata; sic antiqua, ut recentia; sic rara, ut asidua tractare*. Vale, & Vive.

Joan. Fern.
de Henost.
Ignat. de
Olit.

Card. Em.
Aguirre.

Plin. jun.
lib. 4. ep. 23.

Vitruvius
lib. 2. c. 9.
Oleast. sup.
Gen. 18. in
littera.

Plin. jun.
lib. 8. ep. 14

CENSURA

CENSURA

R. P. Fr. JOSEPHI SANCHEZ, Sacra Theologia Lectoris,
in Universitate Mexicea Scoti Cathedram regentis, ac hujus
Sancta Provincia S. Evangelii de Mexico actualis Diffinitoris.

R. EV. Adm. P. N. Provincialis.

Jussu percolendæ Paternitatis vestre Tractatum Panegyricum de Sanctissima Maria Domina nostra, in Debora & Iahel adumbrata, elaboratum à R. admodum P. Fr. Martino del Castillo, in Sacra Theologia dupli jubilationis lauro meritò redimito, Sanctæ Inquisitionis integerimo Qualificatore, istius almæ Provinciae olim clavum tenente, & nunc dignioris Patris fungente munus, alacriter vidi, & in illius lectione perjucundè voltipravi. Opus in quo nihil est moribus Christianis oppugnans, nihil invenitur à Fidei decretis alienum; immò venusta varietate plenum se ostendit, mira eruditione fulcitum aspicitur, admirabili Patrum soliditate vallatur: & dum haud aliquid habet quod admirationem non gignat, verè genitum à suo prædicatur Authorē, qui admiratione carens facit nihil; & quidquid ab ipso prodit in lucem, undique, & ubique admirabile proclamat. Testor Susannam, Chrysologum, aliqua Opera per utriusque partes Orbis lucidos diffundentia radios, fastidiosa nemini, cunctis perjucunda, omnium ore plausibiliter conclamata, quo si fidem facimus Cassiodoro, eorum magnitudo maximè extollitur, Authorisque excellentia valdè commendatur: *Nimis quippe arduum est*, aiebat Athalatico præcitatius Cassiodorus, *tale aliquid dicere, quod nequeat prudentibus dissplicere; ideoque non unius dignitatis vir astimandus est*, qui à turba Doctorum bonum potuit referre judicium. Cū igitur hic Tractatus tot ac tam præclaros germanos habeat, illisque sit similis in omnibus, longè ab ipso est aliiquid, quo Censoris munus possit exerceri: quare ipso prætermisso, vota ex animo ad Deum converto suppliciter orando, ut hujus coelestis Panegyrici Authori non minus longè quam incolumem vitam tribuat, ut suis quotidianis laboribus istius Provinciae decus augeatur indies, novisque suæ doctrinæ fœtibus illustretur Ecclesia, Deiparaque Virgo laudabiliter à suis veneretur famulis, ut revereri non dubito à piè legentibus hunc Tractatum, in quo absque erroris litura, majori dexterritate quam in tabulis Appellis apprimè dispositis umbris, splendor Mariana imago vivacibus picta coloribus, gratiarum condecorata varietate, quæ & pulchram reddunt, & Fidelium animos in ejus amorem inflammant. Ita censeo in hoc magno Conventu percolendæ vestre Paternitatis, postridic Kalendas Maias. Anno Domini 1688.

R. adm. Paternitatis vestra humilis Filius.

Frater JOSEPHUS SANCHEZ.

LICENTIA ORDINIS.

FRATER Ioseph de la Llana, Ordinis Fratrum Minorum Regularis Observantiae Seraphici Patris nostri Francisci, Lector Iubilatus Almæ Divi Iosephi Jocatensis Provinciae Pater, hujusque Sancti Evangelii Provinciae Minister Provincialis, &c. Reverendo admodum Patri Fratri Martino del Castillo bis Iubilato Lectori, Sanctæ Inquisitionis Qualificatori, istiusque Provinciae meritissimo, ac digniori Patri: Salutem & pacem in Iesu Christo Domino nostro.

Cū ex præcisa & laudabili consuetudine Liber à Te compositus, cui titulus est, *Tractatus Panegyricus de Sanctissima Maria Domina nostra, in Debora & Iahel cœlitus adumbrata*, de commissione nostra visus & approbatus sit à Reverendo Patre Fratre Iosepho Sanchez, hujus dictæ Provinciae actuali Diffinitore, necnon in hac Regali Mexicea Academia Scoticæ doctrinæ Cathedræ Moderatore; ideo præsen-

R. P. Mart. del Castillo, Paneg. Mat.

62

Censura & Approbationes.

tibus Literis manu nostra subscriptis, sigillo majori nostri Officii signatis, à Secretarioque nostro rescriptis, Tibi concedimus facultatem, ut dictum Librum prælo possis dare, dummodò cæteras Licentias consuetas, & necessarias obtineas. Datis in hoc Conventu Sancti Patris nostri Francisci de Mexico, die sexta mensis Maii, anno Domini millesimo sexcentesimo octuagesimo octavo.

Frater JOSEPH DE LA LLANA, Minister Provincialis.

† Locus sigilli.

De mandato Reverendi admodum Patris nostri Provincialis,

Frater DIDACUS DE VARGA, Secretarius.

*Censura R. A. P. M. Fr. FRANCISCI DE PAREJA,
Regalis Ordinis B. Maria de Mercede Redemptionis Captivorum,
Provincia Mexicana jam diu (non semel) Praesul's absoluti, Ortho-
doxa Fidei à Supremo Senatu Qualificatoris, Regalisque hujus
Orbis Academiae Collegii Theologorum Decani.*

Præscripta remissione D. D. D. Didaci de la Sierra, Metropolitanæ Ecclesiæ Canonici Doctoralis, Mexicanæ hujus Archiepiscopatus Pro-Episcopi, Iudicijque Vicarii Generalis, in Regiaque Academia Moderatoris Decretorum Cathedrae Proprietarii, Librum hunc, cuius titulus est : *Tractatus Panegyricus de Sanctissima Maria Domina nostra, in Debbara & Jahele, veteris Testamenti Heroïssis, & celebratissimis feminis, cælitus adumbrata*, Authore R. P. Fr. MARTINO DEL CASTILLO, Burgensi. Ordinis Minorum de Observantia Antiquiori Patre Absoluto, ibique in Sacra Theologia bis Jubilato Lectore, Sanctæ Inquisitionis in rebus Fidei cordatissimo Censore, sedula attentione perlegi : & quidem magna animi alacritate tanti Viri elaboratum Opus attenta mentis indagine perscrutabar. Cum enim percelebris hujus Magistri jam diu dilectionis vinculis adstrictus extiterim, vel (ut verbis utar Gregorii) *dudum mibi in amicitiis familiariter junctus*; ut ipsi, quod Severus Augustino parenti loquebatur, valeam adamussim adscribere : *Deo ergo gratias, frater dulcissime, bene mibi tecum est, gaudeo tecum arctius conjunctus, & ut ita dicam, unissime quantum potest, adherens tibi.* Ejus me utique delectat memoria, & ipsum, cuius nequeo quæ vellem affiduitate perfrui contubernio, jam hoc, jam alia elaborata, ac in lucem de- prompta Volumina vividè repræsentant. Idemmet præstet verba Severus : *Fateor, bene mibi tecum est, multum te lego : mirum dicam, sed verum planè, quām mibi absens solet esse præsentia, tam præsens facta est absentia tui.* Planè equidem mirum, ac verum totum hoc elaboratum Opus quicumque Lector inveniet, in quo quod opere adimpler Author, verbo docet : ipsum enim à se delineatum in hisce de Debbara & Jahele Illustrationibus adamussim intueor. Cum eum intra claustra diutinè degentem, veluti Iahelem absconditam, & clausam contemplor, ut Sisara cerebrum, temporaque perfodiatur; loquacem nimurum hirundinem, ac sœculi blandientem auram effugiat (Sisara namque *Videns arundinem interpretatur* :) & quasi alteram heroissam Debboram venor; Debbara enim *Apes*, & *Verbum* sonat. Et meritò apem operosam dicam Authorem; apis enim quandoque extra alvearium officiosa susurrat, quærens unde laboret : diutius tamen operi in apiario persistit, ut favum ex cera, melleque constructum perficiat. Quis ergo non miretur in hoc tanto viro apem verbo & doctrina in publico susurrantem, cum eum tanquam ceream facem, ardenter faculam, non semel ex obedientia super candelabrum positum, verbo & exemplo viderit splendentem; indeque ad cellulam iterum redeuntem, favum mellis dulcissimum eruditio- nis, & sapientiæ spectaverit construentem ? Ergo iterum adsit Severus : *O verè artificiosa apis Dei construens favos divini nectaris plenos, manantes misericordiam, & veritatem, per quos discurrens deliciatur anima mea.* Ut enim quidam apud Lauretum aiebat, *apes formam habet sapientia, juxta illud : Vade ad apem, & disce quām opera-*

Censura, & Approbationes.

trix sit. O verè etiam gloriósæ Iahelis absconditæ, & clausæ æmulatæ eximie ! qui ita permagni pendis testa Regularia, ut cùm ad publica munia exercenda propter communem utilitatem extraheris, non blandienti aura populari, adulantisve vulgi intumescis applausu, imò & illud Poëtæ tibi ipsi imitandum proponis :

*Nec iam hinc mutata quies, probitasque secundis
Intamuit. Tenor idem animo, moreisque modesti*

Fortuna crescente manent.

Et cùm exactè Iahelis munus adimpleveris, iterum apis officiosa latibulum, & solitudinem petis, ut eruditæ sapientiæ favum labores dulcissimum, quo quidem maxime delectaris: unde tibi illud Poëtæ adaptatum describam :

Stet quicunque volet potens

Aula culmine lubrico :

Me dulcis saturat quies,

obscuro positus loco

Leni perfruar otio.

Dignum ergo censeo Librum hunc, qui typis mandetur, utpote sanam, & Catholicæ Fidei doctrinam consonam continens mirabiliter. In hoc Mexicano Redemptorum Conventu, die 10. mensis Maii, anno Domini 1688.

Fr. FRANCISCUS DE PAREJA.

Licencia para la impression del Libro intulado, Tractatus Panegyricus de Sanctissima Maria Domina nostra.

NOs Don Diego de la Sierra, Canonigo Doctoral de la Santa Iglesia Cathedral de Esta Ciudad, Catedratico de Decreto en la Real Universidad de esta Corte, Consultor del Santo Oficio de la Inquisicion de esta nueva España, Iuez provisor, y Vicario General en ella, y su Arçobispado por el Ilustrissimo Señor Doctor Don Francisco de Aguiar y Seijas, Arçobispo de Mexico, del Consejo de su Magestad, &c.

Damos licencia à qualquiera de los Impresores de esta Ciudad para que puedan dar à la Estampa un libro Latino de à Folio, intitulado *Tractatus Panegyricus de Sanctissima Maria Domina nostra*, que tiene presentado ante nos el muy Reverendo Padre Maestro Fray MARTIN DEL CASTILLO, del Orden del Señor San Francisco de esta Ciudad, que esta visto y reconocido por el muy Reverendo Padre Maestro Fray Francisco de Pareja del Orden de María Señora de la Merced desta Ciudad, y informadonos no haver inconveniente para su impression. Dada en la Ciudad de Mexico à onze dias del mes de Mayo de mill seiscientos ochenta y ocho años.

DON DIEGO DE LA SIERRA.

Por mandado del Señor Provvisor, y Vicario General,

BERNARDINO DE AMELAGA,
Notario Publico.